

(1  
2.

**RELATIO**  
**FACTA IN CONSISTORIO**  
**SECRETO CORAM S.D.N.**  
**GREGORIO PAPA XV.**  
**A FRANCISCO MARIA**  
**EPISCOPO PORTVENSI**  
**S.R.E. CARD. A MONTE**  
**DIE IANVARII M. DC. XXII.**  
**SVPER VITA, SANCTITATE,**  
*actis Canonizationis ; & miraculis Beati ISIDORI*  
*AGRICOLAE de Matrino .*

*Domini Professori Magistrali dicitur. Pan*

*Paul. Adm.*

*per B.*







ELATVRVS, Beatissime Pa-  
ter, coram hoc Sacro Senatu,  
iussu Sanctitatis Vestrae, quo  
statu sit causa Canonizatio-  
nis Beati Isidori Agricolaë de  
Matrito, quam ab hac Sancta Sede Pijissi-  
mus iuxta, ac Potentissimus Hispaniarum  
Rex obnixè postulat; eam omnem in tres  
partes distribuam. Primo loco dicam, cur  
suscepta sit, & quæ ad hanc vsque diem in ea  
Apostolica auctoritate gesta sunt. Secun-  
do, quæ fuerit vitæ sanctitas, & excellentia  
virtutum quibus B. Isidorus inclaruit. Ter-  
tio illustriora quædam miracula, quæ Deus  
per illum operatus est. vt his consideratis,  
Sanctitas V. quid in re tanti ponderis dein-  
ceps agendum sit, prudenter, & legitime  
constituere possit.

A 2 Floruit

Floruit Isidorus Matrili, quod nunc Regum Hispanorum sedes est, circa annum Domini centesimum, & quinquagesimum supra millesimum. Inde ad hæc vsque tempora nomen eius, tanquam hominis vitæ sanctitate, & miraculorum gloria illustris, vno omnium Hispanorum ore celebratum est. Post annum verò millesimum ducentiesimum decimum, occasione, quam dicam, Isidoro eiusmodi honores habiti sunt, cuiusmodi in Ecclesia Catholica solis Beatis, & Sanctis tribuuntur. Ille Sancti nomine passim vocatus est, in eius honorem oblata munera, dicata festa, processiones, & supplicationes decretæ, celebratæ missæ, dicti hymni, recitata officia, habitæ conciones, erectæ cappellæ, institutæ confraternitates, concessæ indulgentiæ, imagines cum diademate pictæ, & cum alijs imaginibus Sanctorum circumportatæ, sepulchrum donarijs pretiosis, & luminarijs ornatum; & demum in publicis necessitatibus eius imploratum

5  
rātum subsidium , tanquam hominis verē  
beati , & sancti .

Fama vitæ innocenter actæ, & miraculo-  
rum frequentia, cum eximia ista veneratio-  
ne coniuncta, Philippo Tertio Hispaniarum  
Regi, cui pietate, & religione nihil vnquam  
fuit antiquius, de legitima B. Viri Canoniza-  
tione spem iniecerunt. Quare misso Ro-  
mam processu, auctoritate ordinaria for-  
mato, de vita, & miraculis Isidori, Paulum V.  
fel. record. enixè rogauit, vt eum canonico  
ritu inter Sanctos referret. Paulus precibus  
benignè auditis, iniunxit tribus antiquiori-  
bus Auditoribus Rotæ, vt coniunctim pro-  
cedendo, acta omnia, & probationes recipe-  
rent, & tandem referrent, quid ipsi sentirent.  
Fuerunt hi ab initio Franciscus Penia tunc  
Rotæ Decanus, Horatius Lancellottus, &  
Alphonfus Manzanedo. Verum post Pe-  
nia defuncto, & Lancellotto ad Cardinala-  
tum assumpto, in eorum locum Franciscus  
tunc Archiepiscopus Damascenus, nunc  
Cardi-

Cardinalis Sacratuſ, & Ioannes Baptiſta Coccinuſ Decanuſ, ſubrogati ſunt.

Auditoruſ re pro dignitate conſiderata, cenſuerunt, vltra proceſſum auctoritate ordinaria formatum, alterum Apoſtolica auctoritate formari debere. Et Pontifice iubente dederunt litteraſ compulſorialeſ, & remiſſorialeſ, cum articuliſ, & interrogatorijs pro parte Fiſcaliſ, ad bonæ mem. Reuer.<sup>num</sup> Bernardum de Rojas, & Sandoual S. R. E. Cardinalem Archiepiſcopum Toletanum, ad D. Franciſcum de Soſa Epiſcopum Canarien. & ad D. Ioannem de Horeſ Theſaurarium, & Canonicum Cathedraliſ Eccleſiæ Carthaginien.

Hi iuribuſ compulſatiſ, & examinatiſ teſtibuſ, abſoluto iuridico proceſſu, eum de menſe Iulij anni 1613. Romam miſerunt ad Auditoruſ; quibuſ Pauluſ in mandatiſ dedit, vt ad vltiora in cauſa procederent, quid ipſiſ videretur ad Sanctitatem ſuam mox relaturi. Illi cauſa ſerio, & frequenter diſcuſſa,

discussa, tam processus, quam probationes legitimas censuerunt. Retuleruntq. Sanctitatem, & miracula B. Viri copiose iustificata fuisse, eumq. tutò posse inter Sanctos referri. Sed Paulus Mense Martio 1618. eorum relationem misit ad sacram Rituum Congregationem, nosq. de tota hac causa iterum cognoscere iussit.

Nos autem, Beatissime Pater, frequenter congregati, quo par erat studio, ac diligentia, Auditorum assertiones, & assertionum pondera examinauimus. Tandemq. in eorum sententiam omnes vnanimis iuimus.

Fide vero probationum, & legalitate processuum constituta, dico iam, quid ex eis constiterit nobis de origine, vitæ ratione, & sanctitate morum huius B. Viri.

NATVS est Isidorus in oppido Matrili Toletanæ Diocesis, ex parētibus humilibus quidem, sed catholicis, & pijs. Ab eis in timore Dei egregiè enutritus, vsque ab ineunte ætate Pietatem, Charitatem, Patientiam,

Humi-

Humilitatem, Abſtinentiam, Virtutesq. cæ-  
 teras virili quadam grauitate colere cœpit.  
 Adultior factus, ſibi, & familiæ, labore, & in-  
 duſtria victum quæſiturus, cæteris artibus  
 neglectis, Agriculturæ ſe dedit, quòd humi-  
 lior, laborioſior, & tutior alijs omnibus vi-  
 deretur. Hanc toto vitæ ſuæ tempore ita  
 exercuit, vt nulla vnquam die eius cauſa vl-  
 lum minimum Pietatis, & Religionis offi-  
 cium præmitteret, ex ijs, quæ ſemel ſu-  
 ſceperat. Nunquam ad aratrum acceſſit,  
 niſi viſitatis Eccleſijs, miſſa audita, preci-  
 busq. ad Deum, & B. Virginem ex imo pe-  
 ctore fuſis. Quas gratiſſimas fuiſſe ſibi fre-  
 quenter quidem declarauit Deus, ſed ma-  
 xime, occasione, quam dico. Ciuem quen-  
 dam Iſidorus delegerat ſibi, cui laboraret:  
 apud quem à vicinis accusatus eſt, quòd  
 exercitijs ſpiritualibus occupatus, quotidie  
 iuſto ſerius opera capeſſeret. Homo ve-  
 hementer iratus, ad agrum iter arripit, Iſi-  
 dorum de fraudata opera ſeuere caſtigatu-  
 rus.



rus. Sed eò vbi venit, agrum suum triplici iugo boum arari vidit, quorum duo regerant iuuenes duo albis vestiti, tertium seruus Dei medius inter illos: qui hero appropinquante euianuerunt. Atque ita demum intellexit, quod ei sæpe dixerat Isidorus, non perire sibi tempus, quo Domino suo vir deuotus seruiret. Rursus, cùm in Ecclesia B. Magdalena orationi vacaret, nunciatum ei est à nonnullis, eius asinam esse iam in faucibus lupi, neque euadere posse, nisi subueniret. Quibus vir bonus imperturbatus respondit; Ite in pace filij, fiat voluntas Domini. Cæterum, oratione finita, egressus ab Ecclesia, asinam incolumem repperit, & lupum apud eam in terra mortuum, Deo pro gratissimis precibus vicariam operam illi rependente.

Proximos, egenos præsertim, dilexit semper sicut semetipsū: & pauper ipse, ac inops aliquid detrahebat quotidie vsibus suis, vt quotidie haberet, vnde pauperibus, & egen-

B tio-

tioribus subueniret. Deus verò eius charitate adeo oblectabatur, vt aliquando vocare maluerit ea, quæ non sunt, tanquam ea, quæ sunt, quàm vt seruo suo deesset, quod largiretur. Semel enim, postquam parata omnia pauperibus distribuerat, alius quidam mendicus superuènit eleemosynam petens. Isidorus tristis, quòd pauper ieiunus abiturus esset, vxorem videre iussit, num aliquid superfuisset in olla. Ea negante, iterum rogauit, vt scrutaretur: quæ dum marito obtemperat, vas, quod vacuum reliquerat, mirabiliter pulmento plenum repperit: quo pauper abunde obsonatus est.

Neque intra fines humanæ naturæ obtinebat se charitas Isidori, sed porrigebatur etiam ad ratione carentia. Summa hyeme, dum niuib, & glacie omnia rigerent, ferebat triticum ad molendinum: quando visis columbis, quæ arboribus infidebant, misericordia motus, quòd niue escam prohibente, non haberent quo vescerentur, ni-

ue

ue terram deterfit, ibiq. tantum tritici spar-  
 fit, quantum columbis fatis esse putauit.  
 Factum displicuit socio Isidori, & ideo illum  
 acriter corripuit: sed non displicuit Deo, qui  
 virtute sua triticum, quod superfuerat, adeo  
 auxit, vt postquam ad molendinum venire,  
 nihil è sacco extractum videretur.

Iniurijs maior, inoffensum, quamuis of-  
 fensus, erga proximū semper animum gef-  
 fit. Quare nihil commotus in eos, qui de frau-  
 data, pietatis causa, hero debita opera, illum  
 insimulauerant; iudicio, & arbitrio ipsorum  
 paratum se ad satisfaciendum hero, pacate,  
 & amice respondit.

Vix explicari potest, quanta fuerit fidu-  
 cia eius in Deum, quæ in altissima fide fun-  
 data, efficiebat, vt de Diuina benignitate ni-  
 hil vnquam, difficile licet, & arduum, non  
 speraret. Suppeditat quidem vita B. Viri in-  
 numera huius virtutis exempla: sed ex eis  
 vnum tantum, vel alterum seligemus. Fe-  
 sto quodam raptus dulcedine orationis, cui

in Ecclesia se dederat, ad socios, qui pium de more conuiuium agebant, non descendit, nisi eo finito; neque solus, sed pauperum grege stipatus, qui eum tanquam patrem sequebantur. Prædentibus nihil penitus superfuerat, præter vnam eius portionem, quam ministri societatis seorsim seruauerant. Quare vbi socij eum viderunt, turbati, & tristes, quòd eam multitudinem famelicorum secum adduxisset, dixerunt ei quidnam superesset, & quid esset hoc inter tantos. sed seruus Dei, qui iactabat cogitatum suum non in vnam, sed in Deum, eos bono animo esse iussit, asserens, quicquid in nomine Domini eis datum fuisset, id inter omnes distributum iri. Quo audito, ministri accesserunt ad vas, in quo portionem solam Isidori reliquerant; illudq. pulmento redundare viderunt tanta cum affluentia, vt non modò præsentium fames large, & copiose depelli potuerit, sed absentium etiam esurie pars aliqua referuari.

Casti-

Castitatem conjugalem perpetuo coluit. Ieiunia Ecclesiastica, quamuis laboribus fractus, nunquam violauit. Morti proximus, præeunte pœnitentia, & humili confessione peccatorum, Sacramentū Eucharistiæ summa cum deuotione suscepit. Et postquam domesticos ad pietatem, & charitatē, quanta potuit efficacia cohortatus est, vitæ sanctitate, & miraculis clarus obdormiuit in Domino, anno ab eius Natiuitate millesimo centesimo septuagesimo. Hæc fuit vita, Beatissime Pater, hi mōres Isidori. Venio nunc ad miracula.

MEDIA æstate, quando arefcunt omnia, herus Isidori venit ad agrum, quē seruus Dei arabat: & sitibundus quæsiuit, quonam loco inuenire posset aquam, qua sitim leuaret. Isidorus manu locum signauit: sed herus eo profectus, aquam non inuenit. quare ad eum reuersus, grauiter conqueri cœpit, quasi delusus fuisset. Isidorus, eamus, inquit. Et cū ille perrexisset ad vicinū montem,

tem, in quo nullum aquæ vestigium apparebat, sed vndeque sicca, & arida omnia, & stimulo, quem gestabat, percussa terra, repente è loco percusso fons viuus manauit. Durat verò mirabilis ille fons ad hanc vsque diem, fluxitq. perpetuò, nullis vnquam cæli ardoribus exsiccatus. Immo ad eius aquæ potum ægri vndique confluunt, innumeris allekti miraculis, quæ ad intercessionem Beati Isidori assidue per aquas illas operatur Deus.

Non desunt alia miracula, quæ viuens fecit. Sed ego ea prætereo; tum quòd satis multa sunt, quæ dixi, dum referrem vitæ sanctitatem; tum quòd æquum non puto prolixiori narratione rei minus necessariæ Sanctitatem V. fatigare. Ad illa itaque transeo, quæ mortem B. Viri sequuta sunt, & sunt certiora testimonia sanctitatis.

Post obitum Serui Dei, corpus eius in Cœmeterio Ecclesiæ Sancti Andreæ humi sepultum fuit, vbi totis quadraginta annis  
iacuit

iacuit expositum omnibus iniurijs cæli, & pluuiarum præsertim, quæ per scrobem quasi in cloacam in sepulturam eius confluebant, Quadragesimo autem anno elapso amico quodam primum, sed frustra, dein matrona quadam pia in visu monita, ut corpus suum à populo, è cœmeterio in Ecclesiam translatum honeste tumularetur, solemnis eius translatio facta est. Effossum repperunt integrum, & incorruptum, inuolutum velaminibus integris itidem, & incorruptis, odore quodam suauissimo flammans, omnibus aromatum odoribus longe dissimili. Honorifice translatum noua, & decenti sepultura cōdiderunt, ex qua de anno 1613. qui fuit quadringentesimus quinquagesimus primus ab eius excessu, mandato Delegatorum extractum, eadem integritate, & flagrantia repertum fuit.

Translationē sacri Corporis Deus innumeris miraculis cumulauit. Multi enim cæci, surdi, claudi, alijq. alijs ægritudinibus laboran-

borantes, adhibito puluere sepulturae, statim conualuerunt, & campana, ac cymbala omnium Ecclesiarum Matrini, quamdiu processio translationis durauit, tamdiu nemine pulsante, sonarunt.

Catharina de Villa sancte continuis febribus, & ventris profluuiio laborans, adeo grauiter periclitabatur, vt medici de eius salute penitus desperarent. Sed inuocato Isidoro, & aqua fontis eius epota, statim reddita est sanitati.

Catharina Fernandez, lethali vlcere in crure contracto, extremis cruciabatur doloribus: alijsq. medicamentis frustra tentatis, sola sectione cruris vitam tueri posse videbatur. Admotis tamen vlceri corallijs quibusdam, quibus tactum fuerat corpus B. Viri, & eius intercessione implorata, statim abscedit dolor, & spatio tridui, nullo alio adhibito medicamento, penitus conualescit.

Quadam die in Ecclesia Sancti Andreae ostendebatur corpus B. Viri, à cuius inter-  
cess-



cessione pluuiæ sperabatur. Aderatq. inter cæteros cæcus quidam nomine, Benedictus, qui repente è media multitudine profiluit, videre se clamans, & benedicens Deum, qui meritis B. Isidori visum ei reddidisset.

Alphonfus Gallo feбри pestilentiali, & stupore mentis correptus, desperata à medicis salute, sola inuocatione Isidori, & aquæ potu, quam pie à matre deceptus fontis eius esse credebat, momento sanatur.

Thesaurarius Confraternitatis, quæ Matriti in honorem Beati Isidori erecta est, solemni quodam die, cum edulij, & vino, quæ viginti pauperibus vix sufficere poterant, Isidoro inuocato, tercentos ferme pauperes explet, & multa colligit, quæ saturis supersunt.

Hilarius Cimbron post vomitum, & dyssenteriam trium mensium feбри mali moris correptus, de corporis salute penitus desperat: sed dum recepto sacramento extremæ Vnctionis, viam vniuersæ carnis ingres-

C

surus

surus putatur, solo poculo aquæ fontis Isidori ad integram sanitatem reuocatur.

Balthassara Ortiz prægnans, tres eius filij, & vna ancilla oppressi ingenti muri ruina, omnes grauiter, & enormiter læsi sunt; sed Beato Isidoro commendati, omnes etiã ad vnum liberati fuere. Et ad miraculi cumulum Balthassara post sex menses peperit filium viuum, qui habebat tres rimas, vulnerum instar, in capite, & singularum hiatus digiti magnitudine.

Puer, Didacus nomine, herniosus à natiuitate, post vota Deo in honorem Isidori à matre nuncupata, & reddita, absque alio medicamento sanatus est.

Visitauerant animæ duodeuiginti heremitorium B. Isidori, vectæ curru, quem duæ mulæ trahebant. Dum vero discederent, currus tanto impetu ferri cœpit deorsum, vt nulla ratione retineri potuerit; donec impexit in rupem, quæ imminet flumini, & inde spectantibus horrendam speciem præcipitij

cipitij præbet. Ibi vna ex mulabus in terram collapsa, altera in aere supra flumen pendula, currus soli præcipitio hærens, pueri & femina eiulantes, viri de suo, & totius familiae extremo periculo solliciti, miserabilem aspectum omnibus exhibebant. Sed Isidorus imploratus adfuit, fecitq. vt currus saxi illis præruptis hæreret, donec omnes incolumes desilirent; & funibus præcisis mula in præcipitium deiecta, cætera seruariantur.

Morbus in Hispania dictus Garotillo, cum tribus carbunculis Hadriani adolescentuli guttur inuaserat; & interclusa nedum cibo, & potui, sed etiam spiritui via, ad extremum vitæ discrimen eum redegerat. quando ipse Isidori memor, conuersus ad eius imaginem, vitam, & salutem exorauit: nec frustra. Nam somno repente sopitus certior redditus est ab Isidoro, quòd ex ea aggritudine conualesceret; statimq. melius habere se cœpit, & paulo post integram sanitatem recuperauit.

Puer quatuor annorum, Alphonfus nomine, feбри continua, & dyſſenteria laborans, calore deſtitutus, & moribundus, Iſidoro à patre commendatur; & eodem momento, vtroque morbo depulſo, ſanatur.

Auguſtinus della Fuète, Aduocatus Matriti, acuto morbo in extrema vitæ periculo conſtitutus, omni humana opẽ deſperata, ad Iſidori aquam, & ſuffragia conuerſus, precibus abſolutis, & poculo exauſto, fit ſanus.

Miracula iſta, Beatiffime Pater, omnia ſufficienter, & legitime in actis probata ſunt, & ſunt apertiffima teſtimonia Dei omnipotentis, qui ad fidem faciendam de Iſidori ſerui ſui ſanctitate, quaſi teſtis ſpecialiter inuocatus, & rogatus acceſſit.

HABET iam Sanctitas Veſtra de proceſſibus, de vita, & miraculis Iſidori ea omnia, quæ per tres aſſiduos annos in ſacra Rituum Cõgregatione diſcuſſa ſunt, & quibus inducti ſumus ad cenſendum, poſſe Sanctitatem

tem